



Pou Piblikasyon Imedya: 15/12/2023

GOUVÈNÈ KATHY HOCHUL

GOUVÈNÈ HOCHUL ANONSE PREMYE ENFRASTRIKTI VEYIKIL ELEKTRIK NASYONAL NEW YORK LA TE FINANSE ESTASYON RECHAJ RAPID KI KOUNYE A AP OPERYE NAN HUDSON VALLEY

Sit Vil Kingston lan ebèje kat chajè a gwo vitès ki te konstwi nan kad premye pwojè ki finanse pa Enfrastrikti Veyikil Elektrik Nasyonal New York la; New York prevwa resevwa 175 milyon dola nan finansman atarvè pwogram senkan an

Deplwaye sit ki sipòte pa gouvènman federal yo pou ede eta a avanse objektif Lwa sou klima pou redwi emisyon kabòn nan 85 poustan disi 2050

Gouvènè Kathy Hochul te anonse jodi a premye chajè a gwo vitès New York pou veyikil elektrik ki finanse gras ak Pwogram Fòmil Enfrastrikti Veyikil Elektrik Nasyonal (National Electric Vehicle Infrastructure, NEVI) istorik Prezidan Biden lan ap fonksyone kounye a nan Vil Kingston, nan Konte Ulster nan Hudson Valley. Pwogram NEVI a ki te kreye nan kad Lwa istorik sou Envestisman nan Enfrastrikti ak Djòb (Infrastructure Investment and Jobs Act, IIJA) 2021 an epi li bay Eta New York \$175 milyon dola nan finansman federal dedye pou sipòte deplwaman estratejik enfrastrikti Rechaj Rapid nan Kouran Kontini Nivo 3 pou veyikil elektrik epi etabli yon rezo ki entèkonekte pou rechaj ki fyab, ak yon aksan sou kote ki toupre sòti otowout yo ant eta yo.

"Pandan Eta New York ap kontinye avanse ajanda klimatik k ap mennen nan peyi a, li enperatif pou nou fè envestisman enpòtan nan enfrastrikti ki nesesè pou sipòte tranzisyon an nan veyikil elektrik yo", **Gouvènè Hochul te deklare**. "Ouvèti sit sa a, ki inik nan Eta New York ki sèvi ak finansman federal NEVI ki disponib nan kad IIJA istorik la, se yon gwo pa annavan nan kreye gwo rezo estasyon rechaj ki pral ede plis konsomatè tranzisyon pou pase nan veyikil elektrik yo. Estasyon sa a, ansanm ak yon rezo estasyon k ap vini, pral asire ke New York kontinye rete an premye nan batay kont chanjman klimatik la."

Pakin kat chajè ki nan pakin Bank of America nan 451 Washington Ave., ki toupre I-87, 60 mil nan sid Albany, se youn nan premye sant nan nasyon an ki enstale atravè pwogram NEVI a, ki administre pa Administrasyon Otowout Federal (Federal Highway Administration) Depatman Transpò Ameriken (U.S. Department of Transportation, AUSDOT) an epi ki sipòte pa Biwo Enèji ak Transpò Konjwen Ameriken (U.S. Joint Office of Energy and Transportation) an, Jan Gouvènè Hochul te anonse, avèk

apwobasyon aktyalizasyon Plan NEVI NY nan mwa septanm nan, Eta New York te resevwa dezyèm pwovizyon fon fòmil anyèl li ki se 37.4 milyon dola nan finansman pwogram NEVI a pou kontinye agrandi enfrastrikti rechaj elektrik New York la, ki se yon pati nan 175 milyon dola pou yon dire senk ane pwogram nan. Aktivasyon sit rechaj EV sa a te posib gras ak kolaborasyon solid ant Depatman Transpò Eta New York (New York State Department of Transportation, NYSDOT) ak Otorite Enèji New York (New York Power Authority, NYPA) ki te fè patenarya pou konplete premye faz pwogram nan—apeprè 20 milyon dola—pou konplete konstriksyon koridò gaz altènativ pou veyikil elektrik eta a nan elaji rezo rechaj rapid EVolve NY Otorite Enèji a epi ranpli twou vid ki genyen nan koridò sa yo deziyen pou bay chofè EV yo plis opsyon pou chaje yon fason rapid, pratik epi ankouraje plis Nouyòkè kondwi elektrik. Devlopman enfrastrikti rechaj adisyonèl aksesib publik sa a ede Eta New York avanse tranzisyon li nan veyikil zewo emisyon disi 2035 epi avanse objektif rediksyon kabòn li yo.

Sekretè Transpò Etazini a, Pete Buttigieg, te deklare, "Gras ak Prezidan Biden, genyen depolizanplis chajè EV k ap antre an fonksyon atravè peyi a pandan n ap travay pou delivre yon rezo estasyon rechaj nan tout peyi a nan fen deseni an. Sekirize pozisyon Etazini kòm yon lidè mondyal nan EV pral devlope ekonomi nou an epi kreye yon novo jenerasyon travay ki byen peye."

Sekretè Enèji Etazini an, Jennifer M. Granholm, te deklare, "Jodi a make yon lòt etap enpòtan istorik nan presyon Administrasyon Biden-Harris la pou premye efò nasional la pou konstwi yon rezo rechaj pratik, fyab, epi ki fèt nan Etazini. Estasyon NEVI ki gen tansyon New York la montre ajanda Envesti nan Etazini (Investing in America) Prezidan an aksyon: yon enwestisman nan ekonomi enèji pwòp nou an k ap kreye travay ki byen peye epi redwi depans pou fanmi ak chofè Ameriken yo."

Gouvènè Hochul te siyen lejislasyon an nan 2021 ki egzije pou tout nouvo machin pasaje yo, kamyonèt ak veyikil espòtif (SUV) yo vann nan Eta New York pou yo zewo emisyon disi 2035. Lejislasyon an pral ede fè avanse Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) eta a, ki etabli objektif solid pou diminye emisyon gaz ki lakòz efè sè nan sektè transpò a epi mande pou yo redui emisyon a 85 poustan disi 2050.

Komisè Depatman Transpò Eta New York la, Marie Therese Dominguez, te deklare, "Ouvèti estasyon rechaj sa a nan Kingston se yon premye etap nan bati ak ranfòse enfrastrikti ki nesesè pou sipòte yon rezo rechaj veyikil elektrik nan tout eta a epi li se yon etap enpòtan nan yon efò ki vrèman kolaboratif ki te dirije pa Administrasyon Biden lan epi ki te fèt pa Gouvènè Hochul ak Patnè ajans Eta New York yo, youn ki ap konstwi enfrastrikti jodi a pou sipòte bezwen transpò prezan ak fiti yo."

Prezidan ak Direktè Egzekitif Jeneral Otorite Enèji New York la, Justin E. Driscoll, te deklare, "Otorite Enèji a kontan kolabore ak administrasyon Biden lan ak patnè eta nou yo pou l vin premye benefisyè finansman federal Eta New York ki dedye pou ranpli koridò vwayaj yo deziyen avèk yon kantite estasyon rechaj minimòm nan gwo vitès -- yon sit nan chak 80 km oswa mwens. Rezo EVolve NY nou an k ap agrandi rapidman

pozisyone estratejikman pou akselere konstriksyon enfrastrikti sa a epi ede prepare eta a pou l reyalize direktiv Gouvènè Hochul pou tranzisyone nan veyikil zewo emisyon an 2035. Travay ansanm, n ap asire vwayaj ak rechaj EV yo vin pi aksesib ak pratik nan tout eta a."

Otorite Enèji a ap itilize pwogram [rechaj rapid Evolve NY](#) la pou idantifye kote potansyèl yo epi bati enstalasyon rechaj nan 20 zòn ki gen eka ki deziyen pa NEVI yo pou satisfè kritè NEVI pou lokal DCFC omwen chak 80 km koridò gaz altènativ pou machin elektrik eta a. Yo vize majorite nouvo estasyon sa yo pou yo fini nan fen 2024.

Eta pral byento ouvri yon dezyèm sit NEVI nan yon magazen Mirabito nan Richmondville nan Konte Schoharie, epi yon twazyèm sit pwogramme pou fini nan North Hudson nan Konte Essex nan Adirondack Park nan semèn k ap vini yo.

Otorite Enèji a jere pi gwo rezo rechaj a gwo vitès ki bay aksè lib nan Eta New York ak plis pase 150 pò rechaj nan 39 sit otou gwo koridò vwayaj yo, sa k ap ede asire chofè EV yo nan New York pa bezwen enkyete yo lè y ap dichaj pandan y ap kondui elektrik.

Chajè EVolve NY yo kapab chaje veyikil elektrik nan apèn 20 minit. Sant Kingston la, sou rezo Electrify America a, ekipe ak kat sistèm rechaj kombine (Combined Chargind System, CCS) ki evalye jiska 350 kW. Electrify Commercial, yon inite biznis nan Electrify America, te sipèvize konsepsyon, pèmi, enstalasyon ak komisyonin estasyon Kingston lan epi li pral jere operasyon ak antretyen k ap kontinye yo.

Prezidan ak Direktè Egzekitif Jeneral Electrify America, Robert Barrosa, te deklare, "Electrify America kontan anpil pou selebre ouvèti estasyon rechaj EVolve NY nan Kingston lan ak Otorite Enèji New York la ki se kolaboratè depi lontan nou an. Avèk sipò finansman federal, estasyon rechaj enpòtan sa a pèmèt efò pati konsène publik ak prive yo reyalize pou pèmèt avni transpò elektrik jodi a."

Finansman ak Pwogrè NEVI

Lwa sou Enfrastrikti Bilateral (Bipartisan Infrastructure Law, BIL) yo te siyen an lwa an 2021 an te gen ladan 7.5 milya dola pou chajè EV yo, ak objektif pou enstale 500,000 chajè nan tout peyi a disi 2030. Pifò nan finansman an, 5 milya dola, dedye pou konstwi chajè rapid ki estanda sou otowout ant eta yo nan kad pwogram Enfrastrikti Veyikil Elektrik Nasyonal la.

Chajè yo dwe satisfè kèk kritè tankou yo dwe konstwi omwen chak 80 km sou koridò ki deziyen, 97 pouzan disponiblite epi enkli lektè kat kredi pou peman fasil.

NYSDOT ak Otorite Enèji a te devlope [plan NEVI](#) New York la an kolaborasyon ak Otorite Developman ak Rechèch nan Enèji Eta New York (New York State Energy Research and Development Authority, NYSERDA); Depatman Prezèvason Anviwòmnatal (Department of Environmental Conservation, DEC) Eta New York la; Otorite Enèji New York; Depatman Sèvis Piblik (Department of Public Service, DPS) Eta

New York; Otorite Thruway Eta New York (New York State Thruway Authority); ak Otorite Enèji Long Island (Long Island Power Authority).

Yon seri inisyativ ogmante aksè nan veyikil elektrik epi amelyore transpò piblik pwòp pou tout Nouyòkè ki enkli EV Make Ready (Prepare Veyikil Elektrik), EVolve NY, Drive Clean Rebate (Rabè pou Kondui yon Fason Ekolojik), Pwogram Ankourajman Bon pou Kamyon New York (New York Truck Voucher Incentive Program, NYTVIP) ak finansman federal nan kad Pwogram NEVI a.

Senatè Michelle Hinchey te deklare, "Konte Ulster kontinye fè istwa nan batay kont Kriz Klimatik la, e nou fyè dèské Vil Kingston nou an se youn nan premye nan nasyon an ki enstale chajè EV a gwo vitès atravè finansman Pwogram NEVI federal la. Etabli yon vas rezo enfrastrikti rechaj rapid piblik atravè Eta New York pral ede ranfòse adopsyon veyikil pwòp yo, ki ap mennen nou pi pre yon avni san emisyon pandan y ap ankouraje vizitè yo pou yo pase tan nan zòn biznis lokal nou yo pandan y ap tann chaj. Mwen felisite NYSDOT, NYPA, ak Administrasyon Otowout Federal la paske yo te fè avanse konstriksyon enteresan sa a nan Kingston, epi mwen pa ka tann ekspansyon plis enfrastrikti rechaj EV dènye modèl atravè Hudson Valley."

Manm Asanble Sarahana Shrestha, te deklare, "Nouvo estasyon rechaj EV Vil Kingston ki pi resan, ki finanse ak dola federal epi ajans eta nou yo rann li posib, se yon bèl egzanz sou fason sektè piblik la kapab dirije devlopman avni vèt nou an. Nouvèl sa a pral byenveni pou rezidan Mid-Hudson Valley ki anvi jwe yon wòl nan bese emisyon yo men ki enkyete pou depans enfrastrikti yo ki depase kontribiyab yo. Etandone jan sektè transpò a enpòtan anpil nan bese emisyon, mwen pa ka tann pou m travay avèk biwo Gouvènè a ak patnè federal nou yo nan ranfòse transpò piblik nan zòn nan, espesyalman otobis yo."

Egzekitif Konte Ulster, Jen Metzger, te deklare, "Konte Ulster angaje anpil pou I travay ak patnè eta ak federal yo pou adrese kriz klimatik la epi pwofite avantaj ki genyen pou kominate nou yo pase nan yon ekonomi enèji pwòp. Nouvo sant chaj rapid sa a se jis kalite envestisman nou bezwen pou pèmèt rezidan yo ak touris yo rechaje EV ki pratik epi li pral aktyèlman atire plis touris nan Konte nou an k ap chèche rechaj pratik pandan y ap fè plan vakans yo. Mwen vle remèsy Gouvènè Hochul, Otorite Enèji New York la, Depatman Transpò Eta New York, ak Administrasyon Otowout Federal la paske yo te kreye sant chaj rapid sa a isit la nan Konte Ulster. Mwen vle remèsy tou administrasyon Biden/Harris la pou lidèchip yo nan fè Lwa istorik sou Envestisman nan Enfrastrikti ak Djòb 2021 an rive nan liy final la ak rann envestisman sa posib."

Majistra Kingston Ian, Steve Noble, te deklare, "Mwen remèsy Gouvènè Hochul paske li envesti nan estasyon rechaj veyikil elektrik yo, epi li ogmante aksè enpòtan pou pwopriyetè EV k ap viv ak vwayaje atravè Kingston. Nou kontan pou nou premye minisipalite nan Eta a ki sèvi ak finansman Federal sa a pou premye estasyon rechaj gwo vitès Nivo 3 nou an epi nou apresye sipò Gouvènè a nan ede Kingston vin yon lidè nan efò dirabilite."

Prezidan Bank of America Rejyon Kapital-Hudson Valley, Dave Cornell, te deklare,
"Nou toujou ap travay pou amelyore eksperyans sant finansye nou an pou kliyan yo.
Pote rechaj veyikil elektrik nan sant finansye nou an nan Kingston ajoute komodite epi
fè lavi pi fasil pou kominote nou sèvi yo."

Eta New York ebèje prèske 1,300 chajè rapid piblik nan plis pase 300 lokal, dapre Sant Done sou Kabiran Altènatif (Alternative Fuels Data Center, AFDC) Depatman Enèji (Department of Energy, DOE) Amerikern an, ki varye nan vitès ant 25kW ak 350kW ki egal ak diferan tan rechaj yo.

Pwopriyetè EV yo ka lokalize chajè piblik yo avèk aplikasyon pou telefòn entelijan tankou 511NY NYSDOT la, [EV Connect](#), [Electrify America](#), [PlugShare](#), [ChargeHub](#), [ChargeWay](#), [ChargePoint](#), [EVGo](#), Google Maps, oswa [Sant Done sou Kabiran Altènatif](#) Depatman Enèji Ameriken (U.S. Department of Energy) an. Pou yon kat jewografik ki montre chajè EVolve NY yo, klike [isit la](#). Remake byen ke chajè EVolve NY yo fonksyone sou rezo Electrify America ak EV Connect. Yo aksepte kat kredi pou rechaje; san ou pa bezwen abònman oswa vin manm.

Plan Klimatik Nasyonal Eta New York

Ajanda klimatik Eta New York la ki se lidè nan nasyon an fè apèl ak yon tranzisyon ki metodik epi ki jis ki kreye djòb ki soutni fanmi, ki kontinye ankouraje yon ekonomi vèt nan tout sektè epi asire ke omwen 35 pousan, avèk yon objektif 40 pousan, nan avantaj envestisman enèji pwòp yo ale nan kominote defavorize yo. New York, ki oryante pa kèk nan inisyativ klima ak enèji pwòp ki pi agresif nan peyi a, sou pwen pou reyalize yon sektè enèji zewo emisyon vè 2040, ki enkli 70 pousan pwodiksyon enèji renouvlab vè 2030, ak netralite kabòn nan tout ekonomi an vè mwatye syèk la. Yon poto mitan nan tranzisyon sa a se envestisman san presedan New York pou devlope enèji pwòp yo, ki enkli plis pase 55 milya dola nan 145 pwojè enèji renouvlab ak transmisyon ki fèt sou gran echèl nan eta a, 6.8 milya dola pou redui emisyon batiman yo, 3.3 milya pou devlope enèji solè, plis pase 3 milya dola pou inisyativ transpò pwòp ak plis pase 2 milya dola nan angajman NY Green Bank yo. Envestisman sa yo ak lòt sipòte plis pase 165,000 djòb nan sektè enèji pwòp New York la an 2021 ak yon kwasans plis pase 3,000 pousan nan sektè solè distribiye a depi 2011. Pou diminye emisyon gaz ki lakòz efè sè ak amelyore kalite lè a, New York te adopte tou règleman veyikil san emisyon, ki gen ladan egzije pou tout nouvo machin pasaje yo ak kamyon pwa lejè yo vann nan Eta a gen zewo-emisyon disi 2035. Patenarya yo ap kontinye fè aksyon klimatik New York la avanse avèk apeprè 400 Kominote Entelijans Klimatik ki anrejistre ak 100 Kominote ki sètifye, apeprè 500 Kominote Enèji Pwòp, ak pi gwo inisyativ kontwòl lè kominotè Eta a nan 10 kominote devavorize atravè eta a pou ede sible polisyon lè epi konbat chanjman klimatik la.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)